



U 8
1834
6



同治  
卷

金華書局藏



古今歷代標題註釋十九史略通考卷三之下

前進士廬陵 曾先之 編次

松塢門人番陽竹窩余進宗海通考

蜀漢

○ 昭烈皇帝名備字玄德中山靖王勝之後也景  
帝生勝勝生貞徙封涿郡陸城亭侯子孫因家  
焉數世至雄雄生弘弘生備垂手下膝顧自見  
其耳有大志少言語喜怒不形於色膝音初平  
中群盜並起備於是起兵於涿以圖興復尋受

並群  
起盜

密詔討曹操不克先奔冀州領兵至汝南自汝  
南奔荆州歸劉表初平獻帝嘗於表坐起至廁還  
慨然流涕表怪問之備曰常時身不離鞍解肉  
皆消今不復騎解裏肉生日月如流老將至矣  
功業不建是以悲耳離解皆去聲解音彼股骨也建立也琅邪諸  
葛亮寓居襄陽隆中每自比管仲樂毅琅邪國名今益州路沂州是也襄陽府名屬河南即南陽郡隆中地名管仲樂毅事見戰國齊燕紀備訪  
士於司馬徽徽曰識時務在後傑此間自有伏  
龍鳳雛諸葛孔明龐士元也徽音暉襄陽人伏龍喻孔明鳳雛喻

士元也徐庶亦謂備曰諸葛孔明卧龍也卧猶伏也備  
三往乃得見亮問策亮曰曹操擁百萬之眾挾  
天子以令諸侯此誠不可與爭鋒孫權據有江  
東國險而民附可與為援而不可圖援音院荆州  
用武之國益州險塞沃野千里天府之土益州即成都  
都府沃肥也財物所聚曰府言益州之地物產饒多可備給餉故曰天府言如天所造也將  
軍帝室之胄信義著於四海若跨有荆益保其  
巖阻天下有變荆州之軍向宛洛益州之眾出  
秦川孰不箠食壺漿以迎將軍乎宛音寬篋音丹食音似

備與  
亮情  
好

天下有變謂曹氏篡位孫氏備備曰善與亮情

好日密曰孤之有孔明猶魚之有水也亮士

元名統龐德公從子也德公素有重名亮每至

其家獨拜床下從去聲姪

胡氏曰三國人才之盛後世鮮及然孔明則

高邁獨出巍然三代之佐矣亞於伊傅而以

管樂自比者謙辭也才與管仲等而德則過

之

及表卒子琮降操備奔江陵操追之備遣亮與

孫權  
連兵  
破操

孫權通好連兵大破操兵於赤壁好去備徇荆

州江南諸郡士民多歸之權以荊州借備以容

其衆備初用龐統為來陽令不治權將魯肅遺

備書曰士元非百里才使為治中別駕乃得展

其驥足耳備用之勸取益州來陽縣名備留關

羽守荊州引兵泝流自巴入蜀襲劉璋入成都

泝音四備既得益州權使人從備求荊州備不

從遂爭之已而分荊州荊州用武之國故漢

孫氏襲殺關備自蜀取漢中自立為漢中王漢

關羽  
守荆  
州

荆權  
州簡

中將關羽自江陵出攻樊城取襄陽自許以南  
往往遙應羽威震華夏應去聲○樊城縣名屬襄陽華光夏大也中國  
文明故操至議徙許都以避其鋒司馬懿曰備  
權外親內踈關羽得志權必不願也可遣人勸  
權躡其後許割江南以封權操從之時魯肅已  
死呂蒙代之亦勸權圖羽操師救樊城權將陸  
遜又襲羽後羽狼狽走還權軍獲羽斬之遂陷  
荆州狼音貝○漢吳相圖魏之利也魏人巧於乘間以利誘吳吳人不悟遂中其計惜哉  
操子丕既篡位王乃即皇帝位於武擔之南大

諸葛  
亮為  
相

吳封  
權為  
吳王  
論吳  
王之  
與

赦以諸葛亮為丞相武擔山名在○章武元年  
立宗廟祫祭高皇帝以下祫胡夾反合祭也○  
紹昭烈於高光也魏篡立吳割據昭烈親中山靖王之裔名正言順舍此安歸○綱目揭章武之元而大書之然後正閏順逆各得其所故曰統正於下而人道定矣○帝自將伐  
孫權權請和不許遂遣陸遜督諸將拒守帝取關羽  
之敗故伐吳也○書法曰自初平以來諸相加兵者書攻擊而已此其書伐何罪吳且尊漢也  
○孫權遣使魏魏封權為吳王使去聲○魏主  
問吳使趙咨曰吳王頗知學乎咨曰吳王任賢  
使能志存經略雖有餘閑博覽書史不效書生

尋章摘句魏主曰吳難魏乎咨曰帶甲百萬江漢為池何難之有曰吳如大夫者幾人咨曰聰明特達者八九十人如臣之比車載斗量不可勝數難去聲勝音升數上聲○經○二年帝進

軍獠亭吳陸遜攻之諸軍敗績帝還永安魏許

獠亭在夷陵永安縣名屬巴郡按昭烈自巫峽至夷陵立數十屯與吳軍相拒累月陸遜連破

其四十餘營故○魏遣將軍曹休等擊孫權責

日諸軍敗績○吳王權改元拒魏魏主丕自將擊

侍子不至故伐之○吳王權改元拒魏魏主丕自將擊

書法曰權嘗書降魏矣此其不書叛而書拒何惡魏也故雖書魏封權為吳王而常斥名

孫權不予其受魏封也於此拒魏然後書吳王而國自是得稱吳綱目之惡魏深矣其書改元何所以著其拒魏之實非予之也

○帝崩于永安上在位三年改元者一壽六十三太子立是為後皇帝後主降魏

未有謚故曰後皇帝

愚按昭烈以帝室之胄傑出之才起兵涿郡

志存匡復受天子之密詔討擅命之姦臣旁

求羣賢不辭三顧伏龍以之而奮躍鳳雛以

之而飛翔雖顛沛險難而信義愈明勢迫事

危而言不失道追景升之顧則情動三軍感

赴義之士則甘與同敗故能合吳軍而大破曹瞞於赤壁仗義兵而薄伐劉璋於成都用趙雲而取漢中遣關羽而攻樊許威震華夏幾復舊都惜乎因爭荊州而孫權離心致吳違盟而關羽喪首卒不能削平僭偽混一中原可勝歎哉然能君臨蜀都使赤帝子之祀不至墜絕又數十年與光武即位鄒南晉元即位江左先後一轍謂非中興賢君可乎後皇帝名禪字公嗣年十七即位以丞相諸葛

亮為武鄉侯

亮為武鄉侯領益州牧初昭烈臨崩謂亮曰君才十倍曹丕必能安國家終定大事嗣子可輔輔之如其不可君可自取亮涕泣曰臣敢不竭股肱之力效忠貞之節繼之以死至是亮乃約官職脩法制下教曰夫參署者集眾思廣忠益也若遠小嫌難相違覆曠闕損矣夫音扶遠難皆去聲○陳氏曰參署參佐署事也遠猶避也難疑也覆反也言參佐之職若避小可嫌疑而相違戾則反曠發職業闕損政教矣亮乃遣鄧芝使吳脩好芝見孫權曰蜀有重險之固具有三江之阻共為唇齒進

吳與漢和

天限南北

漢諸葛亮七擒

可兼并天下退可鼎足而立吳遂絕魏專與漢

和使好者去聲重平聲○三江謂婁江東江松江也脣齒言交相依倚而不可闕一也○

建興二年魏主以舟師擊吳吳列艦于江江水

盛長魏主臨望歎曰我雖有武夫千群無所施

也於是還師長上聲還音旋○三年南夷畔丞相亮討

平之有孟獲者素為夷漢所服亮生致獲使觀

營陣縱使更戰七縱七擒猶遣獲獲不去曰公

天威也南人不復反矣縱放也○魏主又以舟師

臨吳見波濤洶湧歎曰嗟乎固天所以限南北

也洶許拱反湧音勇水盛貌○四年魏主丕卒謚曰文皇帝

子叡立先是叡母被誅丕嘗與叡出獵見子母

鹿既射其母使叡射其子叡泣曰陛下已殺其

母臣不忍殺其子丕惻然至是嗣位○處士管

寧字幼安自獻帝初避地遼東三十七年魏徵

之乃浮海西歸拜官不受處上聲○五年丞相亮

率諸軍伐魏臨發上疏曰今天下三分益州疲

弊此危急存亡之秋也宜開張聖聽不宜塞忠

諫之路塞音色○天下三分謂漢魏吳各君一國也宮中府中俱為

漢諸葛臣上疏



三顧  
草廬

一體陟罰臧否不宜異同若有作奸犯科及為忠善者宜付有司論其刑賞以昭平明之治中宮與隆親小人遠賢臣此後漢所以傾頽也遠去聲臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激許先帝以驅馳根烏賄反諮音咨訪問也先帝知臣謹慎臨崩寄以大事受命以來夙夜憂懼恐付託不效以傷

深入  
不毛

關中  
響震

先帝之明故五月渡瀘深入不毛今南方已定兵甲已足當獎率三軍北定中原興復漢室還于舊都此臣所以報先帝而忠陛下之職分也遂屯漢中瀘音盧分去聲○陳氏曰瀘水出邛都東流入江不毛不生草木之地舊都謂長安洛陽明年率大軍攻祁山戎陣整齊號令明肅祁山在始魏以昭烈既崩數歲寂然無聞略無所備猝聞亮出朝野恐懼於是天水安定等郡皆應亮關中響震猝倉沒反朝音潮應去聲○猝急遽也天水郡即秦州安定郡魏主如長安遣張郃拒之亮使馬謖

孫權  
自稱  
帝

督諸軍戰于街亭，謾違亮節度，郃大破之。亮乃還漢中。郃，胡閭反，謾音速。街亭在秦州，龍西縣節度節制法度也。已而復言於上曰：「漢賊不兩立，王業不偏安。臣鞠躬盡瘁，死而後已。至於成敗，利鈍非臣所能逆覩也。」賊指魏。引兵出散關，圍陳倉，不克。散關在鳳州，梁泉縣。陳倉，邑名。○七年，吳王孫權稱皇帝於武昌，追尊父屬扶風堅為武烈皇帝。兄策為長沙桓王。已而還都建業。武昌府名，屬湖廣。建業，郡名，屬江東。今應天府。○十二年，丞相武鄉侯諸葛亮伐魏，卒于軍。長史楊儀引軍還。長上

漢作牛馬  
亮木流

書法曰：書卒于軍，何嘉死事也。故具官爵姓亮方為足食計。而卒于軍，此軍國之可深痛而綱目之所甚惜也。書揚儀引軍還，何嘉儀也。新喪無帥全師而歸，儀可謂能權矣。先是亮伐魏，圍祁山。魏遣司馬懿督諸軍拒亮，懿不肯戰。賈詡等曰：「公畏蜀如虎，奈天下笑何！」懿乃使張郃向亮，亮逆戰，魏兵大敗。亮以糧盡，退軍。郃追之，與亮戰，中伏，弩而死。中去亮還，勸農講武，作木牛流馬，治邸閣，息民休士。三年而後用之。木牛流馬，蓋貯米其中，而機巧可行，以運糧。其制度尺寸詳見集覽。邸閣，倉教之具。度名。至是悉衆十萬，又由斜谷口伐魏，進軍渭南。懿引

分兵屯田

遺以巾幗

兵拒守斜于遮反。○斜谷在興元府一梁州記曰南口曰襄北口曰斜至鳳州界凡百五  
 十亮以前者數出皆運糧不繼使已志不伸乃  
 分兵屯田耕者雜於渭濱居民之間而百姓安  
 堵軍無私焉堵牆也言民安如堵堵也亮數挑懿戰懿不出  
 乃遺以巾幗婦人之服數音朔遺去聲幗音國婦人服飾也亮使  
 者至懿軍懿問其寢食及事煩簡而不及戎事  
 使者曰諸葛公夙興夜寐罰二十以上皆親覽  
 所敵食不至數升懿告人曰食少事煩其能久  
 乎嗽杜覽反。○罰罪責也言亮亮病篤有大星  
 乎罰杖罪二十以上皆親問也

死諸葛亮走生仲達

亮政無私

赤而芒墜亮營中未幾亮卒芒光焰也揚儀整軍還  
 百姓奔告懿懿追之姜維令儀反旗鳴鼓若將  
 向懿懿不敢逼百姓為之諺曰死諸葛走生仲  
 達懿笑曰吾能料生不能料死為去聲。○仲達懿字也亮  
 嘗推演兵法作八陣圖至是懿按行其營壘歎  
 曰天下奇才也筌蹄曰八陣圖取石為之以天  
奇詳見集覽亮為政無私馬謖素為亮所知及敗軍  
 流涕斬之而卹其後李平廖立皆為亮所廢及  
 聞亮之喪皆歎息流涕平至發病死為去聲廖音料

習鑿齒曰昔管仲奪伯氏駢邑三百沒齒無  
怨言聖人以為難亮使廖立垂泣李平致死  
豈徒無怨言而已哉夫水至平而邪者取法  
鑒至明而醜者亡怨以其無私也况大人君  
子懷樂生之心流矜恕之德法行於不可不  
用刑加乎自犯之罪爵之而非私誅之而不  
怨天下其有不服者乎

初亮嘗表於上曰臣成都有桑八百株薄田十  
五頃子孫衣食自有餘饒不別治生以長尺寸

臣死之日不使廩有餘粟庫有餘財以負陛下  
及卒果如其言謚忠武

長上聲○謚法徇國忘  
家曰忠剛強直理曰武

張裔曰亮賞不遺遠罰不阿近爵不可以無  
功取刑不可以貴勢免此賢愚所以僉忘其  
身者也

陳壽曰亮為相國撫百姓示儀軌約官職從  
權制開誠心布公道盡忠益時者雖仇必賞  
犯法怠慢者雖親必罰服罪輸情者雖重必  
釋游辭巧飾者雖輕必戮善無微而不賞惡

識

魏性主  
功好

銅人  
翁仲

無纖而不貶庶事精練物理其本循名責實  
虛偽不齒終於邦域之內畏而愛之刑政雖  
峻而無怨者以其用心平而勸戒明也可謂  
識治之良材管蕭之亞匹矣

魏主性好立功先是既治許昌宮後又作洛陽

宮徙長安鐘簾橐銅人承露盤於洛陽盤折

聲聞數十里銅人重不可致乃大發銅鑄銅人

二列於司馬門外號曰翁仲起山於芳林園

植雜木善草捕禽獸致其中諫者皆不納好去聲

魏司  
馬懿  
曹爽  
輔政

漢不  
琬蔣  
治揚

魏司  
馬懿

音巨○許昌邑名屬許州今長社縣  
延熙二年

魏主叡卒謚曰明皇帝子芳立甫八歲司馬懿

曹爽受遺詔輔政懿為太傅芳文帝兄任城王

子也曹爽字昭伯魏宗室也○九年以姜維為衛將軍與費

禕並錄尚書事初丞相亮既亡蔣琬為政揚敏

毀琬曰作事憤憤不及前人或請推治敏琬曰

吾實不如前人無可推治琬卒費禕董允並為

政公亮盡忠至是允又卒維禕並為政費音吹禕音揮

憤古對反煩亂也前人指諸葛亮也推音吹○十二年魏曹爽驕奢

殺曹

司馬 尚書 事 亮 立

無度司馬懿殺之懿為丞相加九錫不受爽之  
 黨夏侯霸奔蜀姜維問之曰懿得政復有征伐  
 志否霸曰彼營立家門未遑外事有鍾士季者  
 雖少若管朝政吳蜀之憂也復扶又反少 去聲朝音潮○十  
 四年魏太傅司馬懿卒以其子師為撫軍大將  
 軍錄尚書事○十五年吳主權卒謚曰大皇帝  
 子亮立○蜀費禕沈愛不疑降人刺殺之姜維  
 用事數出兵伐魏汎音泛廣也 數音朔下同○十七年魏李  
 豐數為魏主所召司馬師知其議已殺之魏主

司馬 廢

母 儉 兵 師 起 討

吳 親 政 主

不平左右勸誅師魏主不敢發師廢魏主為邵  
 陵厲公迎立文帝孫高貴鄉公髦年十四髦音毛  
 揚州都督母立儉刺史文欽起兵討師不克死  
無母音師卒弟昭為大將軍錄尚書事已而為大  
 都督假黃鉞揚州都督諸葛誕起兵討昭不克  
 死昭為相國封晉公加九錫不受鉞大斧也 鉞音鉞 以金故曰黃  
鉞大都督本無黃鉞假與○景耀元年吳孫綝  
之所重其威也 鉞音越以罪誅綝音琛初吳主亮親政數出中書視大帝  
 時舊事嘗食生梅索蜜蜜中有鼠矢召藏吏問

孫廢  
立

魏主  
誅司  
馬昭  
不克

曰黃門從爾求蜜邪吏曰向求不敢與黃門不  
服令破矢矢中燥因大笑曰若矢先在蜜中中  
外俱濕今外濕內燥必黃門所為也詰之果服  
左右驚慄索音色求也矢屎同藏去 緄為大將  
軍以其多所難問稱疾不朝以兵圍宮廢亮為  
會稽王迎立琅邪王休休立以緄為丞相緄又  
無禮於新君遂被誅難去聲會音 ○三年魏主  
髦見威權日去不勝其忿曰司馬昭之心路人  
所知也率殿中宿衛蒼頭官僮鼓譟出欲誅昭

昭遣  
鄧艾  
入寇

昭之黨賈充入與魏主戰成濟抽戈刺魏主殞  
于車下追廢為庶人昭迎立常道鄉公璜璜立  
改名奐時年十五勝音升璜音黃○宿衛 ○炎  
興元年蜀姜維屢伐魏司馬昭乃遣鄧艾鍾會  
將兵入寇會從斜谷駱谷子午谷趨漢中艾自  
狄道趨甘松香中以綴姜維艾五蓋反香  
真符縣南口曰黨谷北口曰洛谷子午谷在洋州  
州東百六十里南北相當故曰子午狄道縣名  
屬臨洮甘松香地名在狄道西南綴謂牽制其兵也  
維聞會已入漢中引  
兵從香中還艾追躡之大戰維敗走還守劔閣

以拒會劍閣在廣元府綿谷縣艾進至陰平行無入之地

七百里鑿山通道造作橋閣山高谷深艾以氈

自裹推轉而下將士皆攀木緣崖魚貫而進平推

謂陰平郡名屬鞏昌魚貫至江油以書誘衛

將軍諸葛瞻瞻斬其使列陣綿竹戰敗死之其

子尚亦赴敵而死使去聲下同○江油郡名屬順元今龍州是也綿竹縣名

屬漢州瞻孔明子也

愚按天意不回漢祚傾覆當是之時降賊貪生如姜維者非一人而諸葛瞻父子獨能冒

犯鋒刃視死如歸雖其資質有過人者而亦

家法之有自也忠武公可謂有子有孫矣嗚

呼瞻尚雖死其忠烈之風至今凜凜猶有生

氣彼為臣不死忠而偷生一時者視瞻尚寧

無愧乎

漢人不意魏兵卒至不為城守乃遣使奉璽綬

詣艾降皇子北地王謀諫曰若理窮力屈禍敗

將及亦當君臣父子背城一戰同死社稷以見

先帝可也奈何降乎上不聽謀哭於昭烈之廟



艾至成都  
漢帝出降

先殺妻子而後自殺艾至成都上出降魏封為  
安樂公上在位四十一年改元者四曰建興延  
熙景耀炎興本倉沒反  
樂音洛  
史斷曰後主才雖中下然建興之初猶能委  
任賢相抗衡強國今年征四郡明年屯漢中  
明年出散關又明年攻武都陰平是以國富  
兵強征伐四克迨殞星告變賢相云亡於是  
姜維產禍宦寺專權雖無緣崖之寇其能久  
有國哉綿竹之戰臣死於君成都之降子死

於父勢窮力蹙束手就縛而漢亡矣可悲也  
夫

漢自高祖元年為王五年為帝至是凡二十六  
世四百六十九年而亡王莽十五年劉  
玄二年在內

史斷曰西漢自高祖而下有文有武有宣東  
漢自光武而下有明章其餘無稱焉河汾王  
通以七制斷之善矣反覆兩漢之世大抵仁  
義公恕役簡刑清如七制之盛者兩漢之所  
以興也母后擅權威宦用事如七制以下者

兩漢之所以亡也迨曹氏篡漢而為魏昭烈  
以帝裔即位于蜀孫權亦自王於吳而天下  
遂分於三矣雖以昭烈孔明戮力興復而死  
**死**難燃不能復振譬於人家家道陵夷生業  
已盡豪奴悍僕或潛據於內或竊處於外而  
其家之故子遺孫伶仃漂泊其氣奄奄殆盡  
而方區區在外收拾寸土以為興復計亦已  
難矣由是論之民心思漢以王郎假之而有  
餘民心去漢以孔明留之而不可吁可嘆哉

吳主休殂謚曰景皇帝兄子烏程侯皓立

吳魏君亡

皆書卒此其書休殂何漢亡也

○魏司馬昭先是已受九錫已

而進爵為晉王昭卒子炎嗣尋篡位廢魏主為  
陳留王魏自曹丕僭號至是凡五世四十六年  
而亡

魏主後卒晉人謚之曰元

愚按有魏之興實自操始曹丕因而篡漢如  
拾芥然明帝性雖明敏而好土功其衰微之  
兆已見矣邵陵孤幼寄托非人陵遲至陳留  
而晉人取之亦不難何歟曹操以亂世之奸

髮立 ○  
委地  
手垂  
過膝

雄乘漢室之衰弱欺人孤兒寡婦孤媚以取天下原情定罪直臣盜耳以此創業亦以此亡豈無天道哉傳曰出乎爾者反乎爾者為人臣而懷姦幸釁竊人宗社者尚鑒于茲

西晉

晉世祖武皇帝姓司馬名炎河內人昭之子懿之孫也昭為晉王議立世子議者以炎髮立委地手垂過膝非人臣之相遂立已而嗣為王受魏禪追尊懿為宣皇帝師為景皇帝昭為文皇

大封宗室  
宗室  
抗室  
使命  
常通

吳主  
不脩  
德政

帝大封宗室

相去聲 後並同

晉有滅吳之志以羊祜都

督荆州事吳以陸抗都督諸軍祜與抗對境使

命常通抗遺祜酒祜飲之不疑抗疾祜與之成

藥抗即服之曰豈有醜人羊叔子哉祜務脩德

政以懷其人每交兵刻日方戰不掩襲抗亦告

其邊戍各守分界而已毋求細利使遺分皆去

成藥合成藥劑也叔子時吳主皓不脩德政而

欲兼并使術士筮取天下對曰庚子歲青蓋當

入洛陽蓋謂銜璧之事而皓不悟用諸將謀數

羊祜請吳伐

杜預表征吳

侵盜晉邊抗諫不聽數音朔○璧者贊見之禮也降者必縛手於後不能

魏故抗卒祜請伐吳議者多不同祜歎曰天下

不如意事十常七八惟杜預張華贊其計贊助也

祜病求入朝面陳帝欲使祜卧護諸將祜曰取

吳不必臣行但平吳之後當勞聖慮耳朝平聲將去聲

祜卒以杜預為鎮南大將軍督荊州軍事吳主

皓淫虐日甚預表請速征之表至張華適與帝

碁即推枰斂手贊其決帝許之推吐回反○枰碁局也決斷也

山濤告入曰自非聖人外寧必有內憂釋吳為

魏竹林七賢

山公啓事

晉吳舉

外懼豈非筭乎筭計也言庸君外既平寧內必生患莫若存吳以為外懼而為

計之愈也所謂出則無敵國外患者國恒亡時濤為吏部尚書濤昔

在魏晉之間與嵇康阮籍籍兄子咸向秀王戎

劉伶相友號竹林七賢皆崇尚老莊虛無之學

輕蔑禮法縱酒昏酣遺落世事士大夫皆慕效

之謂之放達惟濤仍留意世事至是典選甄拔

人物各為題目而奏之時人稱之為山公啓事

向音餉蔑音滅甄音堅又音珍甄○老莊老子莊周也典主也吏部主銓選也甄甄分別也按舉也

啓事啓奏之事也○晉大舉伐吳杜預出江陵王濬下

北飛江如竹  
軍渡威破

巴蜀吳人於江積要害處並以鐵鎖橫江截之  
又作鐵錐長丈餘暗置江中逆拒舟艦積水潛有石處  
錐音追音赤濬作大筏今善水者以筏先行遇錐輒  
著筏而去又作大炬灌以麻油遇鎖燒之須臾  
融液斷絕於是船無所礙遂先克上流諸郡音筏  
伐著直畧反礙五說反○筏以預遣入率奇兵  
竹木為之火把曰炬束葦為之夜渡吳將懼曰北來諸軍乃飛渡江也預分兵  
與濬合攻武昌降之預謂其威已振譬如破竹  
數節之後迎刃而解無復著手處也遂指授群

吳面與  
帝縛觀  
降

帥方略徑造建業張惲率眾迎戰大敗遂為晉  
兵所殺造為皆去聲濬戎卒八萬方舟百里舉帆直  
指建業鼓噪入石頭城吳主面縛與觀降封歸  
命侯遂符庚子青蓋入洛之讖觀初近反○方  
謂縛手於後惟見其面也觀吳自大帝至是四  
世稱帝者凡五十九年而亡遡孫策定江東以  
來通八十餘年遡音素逆數也  
史斷曰吳自孫堅始舉兵於江東破張角誅  
區星勇鷲剛果當時鮮及觀其導溫戮卓不

許和親沈掃陵寢平塞發掘可謂壯矣其後  
爲善不終受袁術所使以擊劉表卒斃於矢  
下不死於勤王而死於助桀惜哉孫策以童  
子一旅之衆揮馬箠以下江東耆儒宿將狼  
狽失據開地千里真奇才也然輕躁好殺卒  
殞其身孫權席父兄之烈師友忠賢以成前  
志赤壁之役決志定策以摧大敵非明而有  
勇能若是乎奄有荆揚揚薄薄於南海傳祚累世  
宜矣惜乎見義不明守節不謹今年臣于操

楊薄

明年降于魏今年受操之命領荊州明年受  
魏之封爲吳王不能討賊而甘心助賊不能  
仗義而甘心不義其得保一隅幸也孫亮以  
童孺之資乏賢哲之輔輕淺果銳爲謀太踈  
其僭位不終理所必然休以宿愛舊恩恩任用  
典布不能拔進賢才改絃易轍雖尚辭好學  
何揀亂亡孫皓天性凶頑頑肆行殘虐忠諫者  
誅讒諛者進公卿卿大臣頸血相踐履用其民  
窮奢溢侈欲求不亡得乎迹吳之爲國自據

焚雉頭

插竹灑盥

一方既無存漢之心又無吞魏之謀上不係於漢祚之存亡下無關於曹魏之強弱尚奚論焉君子謂曹氏為漢賊不知孫氏真漢賊耳先主孔明正做得好時又為其壞了嗚呼其知言乎

晉代魏十有六年至太康元年而滅吳又十年帝崩帝初即位嘗焚雉頭裘於太極殿前以示儉雉頭裘蓋以既而侈縱後宮數千常乘羊車雉頭毛為之官人插竹葉于門灑盥以待之羊車所至即留

盡去州武備

酣宴插竹灑盥欲以與羣臣語未嘗有經國遠謀自吳既平謂天下無事盡去州郡武備山濤獨憂之去上聲漢魏以來羗胡鮮卑降者多處塞內諸郡郭欽嘗上疏謂宜及平吳之威漸徙內郡雜胡於邊地峻四夷出入之防明先王荒服之制帝不聽卒為天下患降音抗處上聲帝在位改元者三曰泰始咸寧太康太子立是為孝惠皇帝

史斷曰司馬氏經營大業把握政權已逾數

○

世至武帝得國又能平具以一天下曾不數  
年紀綱板蕩宗廟丘墟其故何哉蓋自古有  
天下之君未有無功德於民而能享國長久  
者司馬懿以陰賊狡險禍人之國而昭師又  
以廢弒不道取人之國武帝承平又無遠略  
荒耽酒色保養奸回風俗尚浮虛士夫賤名  
檢廉恥道喪賄賂公行罪積數世而功德不  
及於民欲保邦而長世得乎  
孝惠皇帝名衷性不慧為太子時納妃賈氏充

衛瓘  
撫床

賈后  
預政

張華  
盡忠

之女也多權詐衛瓘嘗侍武帝陽醉跪于前以  
手撫床曰此座可惜武帝悟密封尚書疑事令  
太子決之賈氏大懼召外人具草直對令太子  
自寫武帝悅得不廢至是即位陽與伴同誅也  
草藪也瓘音貫  
賈氏為皇后預政皇太后楊氏乃帝母楊后之  
從妹父駿為太傅賈后殺駿而廢殺太后殺太  
宰汝南王亮殺太保衛瓘殺楚王瑋從去聲下  
同叔伯女  
日從妹  
瑋音偉以衆望用張華裴頠王戎管機頠五  
罪牛要  
反鬼二華盡忠帝室后雖凶險猶知敬重與頠同



帝室  
戎與  
時浮  
沉

阮瞻  
三語  
掾

心輔政數年之間雖暗主在上而朝野安靜戎  
 與時浮沉無所匡救性復貪吝田園徧天下執  
 牙籌畫晝夜會計家有好李恐人得其種常鑽其  
 核凡所賞拔專事虛名會音檜種上聲○牙籌  
 也賞拔稱也阮咸之子瞻見戎戎問曰聖人貴名  
 賞舉拔也也阮咸之子瞻見戎戎問曰聖人貴名  
 教老莊明自然其旨異同瞻曰將無同戎嗟歎  
 良久遂辟之時號三語掾  
謂清虛無為因將無同三語而得為掾故曰三語掾也是時王衍為尚書  
 樂廣為河南尹皆善清談衍神情明秀少時山

畢卓  
盜飲

濤見之曰何物老嫗生此寧馨兒然天下蒼  
 生者未必非此人也少去聲寧音佞寧馨猶言如此也衍弟澄  
 及阮咸咸從子脩胡母輔之謝鯤畢卓等皆以  
 任放為達醉裸不以為非從去聲胡母音無裸魯  
名也任放任縱放誕也露身曰裸比舍郎釀熟卓夜至甕間盜  
 飲為守者所縛且視之畢吏部也樂廣聞而笑  
 之曰名教中自有樂地何必乃爾比為皆去聲樂地之樂音  
洛○禮地官五家為此比言其相聯比而居也初魏時何晏等立論以  
 天地萬物皆以無為本衍等愛重之裴頠著崇

廢后  
太子殺

孫秀  
誣殺  
石崇

倫加  
九錫

有論不能救論去聲 ○太子適非賈后所生后廢

殺之征西大將軍趙王倫矯詔勒兵入宮廢后

殺之殺張華裴頠倫為相國通音 宣帝子也淮南

王允率兵討倫不克而死允武帝子也倫殺衛尉石

崇崇有愛妾綠珠倫嬖人孫秀求之不與秀誣

崇奉允為亂收之崇曰奴輩利吾財耳遂被殺

綠珠愛妾名也倫自加九錫逼帝禪位黨與皆為知相

奴卒亦加爵位每朝會貂蟬滿座時人語曰貂

不足狗尾續貂音凋 貂蟬冠名貂鼠內勁外温蟬居高飲潔因物取義以為冠

齊王  
問討  
倫

飾也齊王問鎮許昌成都王頴鎮鄴河間王顥鎮

關中各舉兵討倫倫伏誅俱未反 頠魚容反

帝孫也 頠武帝子也 顥未詳所出問輔政驕奢擅權顥使長沙

王又殺之又音刈 武帝子也顥亦恃功驕奢已而與顥

舉兵反又奉帝及顥戰顥將陸機戰敗被收歎

曰華亭鶴唳可復聞乎與弟雲皆為顥所殺復扶

又反為去聲 松江機所封邑也 機雲皆陸抗子也顥進兵入

京師為丞相已而還鄴顥表顥為皇太弟東海

王越奉帝征顥顥遣兵拒戰于蕩陰乘輿敗績

帝血  
衣

張方  
遷帝  
長安

侍中嵇紹以身衛帝被殺血濺帝衣穎奉帝入

鄴左右欲浣帝衣帝曰嵇侍中血勿浣也乘去聲

蕩陰縣名屬穎奉帝還洛穎將張方在洛遷帝

於長安顛廢太弟穎更立豫章王熾為太弟音更

東海王越發兵西入長安奉帝還洛以越輔

政越為太傅穎先據洛陽已而奔長安又自武

關奔新野遂北濟河收故將士為頓丘太守所

執時范陽王虓鎮鄴送穎於虓未幾被殺虓屈交反

為去聲○新野縣名屬鄧州頓丘郡○慕容廆

索頭  
分為  
三部

徙居大棘城廆自武帝時已為寇既而降以為

鮮卑都督廆生甄自遼東徙居徒河至是徙大

棘城其部愈盛廆音隗甄音恍○索頭分其

國為三部索頭鮮卑別種也其先是索頭拓跋

氏有質子在晉武帝遣歸既而拓跋力微又遣

其子入貢力微死子悉祿官立至是分為三部

一居上谷之北祿官自統之一居代郡參合陂

之北使兄子猗屯統之一居定襄之盛樂故城

使猗屯弟猗盧統之晉人附者稍衆猗屯渡漠

李稱都  
王成雄

劉稱王  
漢淵

北廵西略諸國降附者三十餘國拓跋氏之盛

始此拓音托跋蒲末反贊音致樂音洛○參

巴氏李雄自稱成都王巴即巴西郡屬順元今順慶府是也氏西南夷

名初雄兄特以流民入蜀旬月衆二萬據廣漢

進攻成都爲刺史羅尚所敗斬之弟流代領其

衆流死雄代之攻走羅尚遂入成都稱王爲去聲○

廣漢郡名屬四川今漢州是也○匈奴劉淵自稱漢王淵故南

匈奴之後匈奴由漢魏以來臣中國其先世自

以漢甥冒漢姓姊妹之子曰甥父豹爲左部帥生淵幼

而雋異博習經史嘗曰吾恥隨陸無武遇高帝

而不能建封侯之業絳灌無文遇文帝而不能

興庠序之教豈不惜哉於是兼學武事焉與俊同○隨

謂隨何陸謂陸賈絳謂周勃灌謂灌嬰庠序皆學名殷曰庠周曰序姿貌魁偉初

爲侍子在洛豹死武帝以淵代爲五部帥既而

爲北部都尉五部豪傑多歸之及帝世以爲五

部大都督成都王頴表爲左賢王嘗使將兵在

鄴表謂上表薦淵淵子聰亦驍勇絕人博涉經

史善屬文彎弓三百斤驍音澆武也屬音竹綴也下同淵從祖

五部  
豪傑  
淵

宣曰漢亡以來我單于徒有虛號無復尺土自  
 餘王侯降同編戶今吾衆雖衰猶二萬奈何歛  
 手受役奄過百年司馬氏骨肉相殘四海鼎沸  
 左賢王英武超世復呼韓邪之業此其時也從  
聲○伯叔祖曰從祖編戶謂編乃相與推之淵  
次民籍也奄忽也鼎沸謂亂也  
 說頴請歸帥五部來助既至左國城宣等推為  
 大單于二旬間衆五萬都離石胡晉歸之者愈  
 衆乃建國號曰漢稱漢王說音稅○離石淵有  
 族子曜生而眉白自有赤光幼聰慧有膽量亦

好讀書屬文射能洞鐵七寸至是為淵將量好

聲○瞻量瞻志夷狄亂華之禍皆崩彙於漢魏

晉間至是乘中國大亂始四起彙五割反○物

○帝中毒崩中聲帝昏愚天下大饑帝曰何

不食肉藥音眉華林園聞蛙鳴帝曰彼鳴者

為官乎為私乎左右戲之曰在官地者為官在

私地者為私華林園在洛方賈后專政時人知

將亂索靖指洛陽宮門銅駝歎曰會見汝在荆

棘中耳索蘇各反姓也銅駝趙王倫亂後諸

索蘇各反姓也銅駝  
 趙王倫亂後諸

王迭相殘滅天下大亂雜胡四起雜胡謂劉李慕容拓跋氏等帝食麵而崩或曰東海王越鳩之也麵音面麥餅也在位十七年改元者七曰永熙元康永康永寧太安永興光熙太弟立是為孝懷皇帝謚法慈仁哲行懷曰史斷曰惠帝昏愚不辨救麥權在羣下政出多門忠賢路絕讒諛得志交相互市皇后太子四廢五復莫能詰問東奔西逸受制他人莫適為主上不保母后次不保妻子終不保

其身食餅中毒弗知禍端議者謂足以報曹氏受制於司馬懿者焉

孝懷皇帝名熾當惠帝之十五年武帝子二十五人兄弟相屠之餘存者三人而已熾其一也素好學故立為太弟至是即位三人謂頴熾晏也○成

李稱國成劉徒平  
雄帝號淵都陽

都王李雄稱帝國號成○漢主劉淵稱帝徙都平陽遣其子聰及石勒等攻晉內郡以至洛陽真郡謂徐豫兗勒武鄉羯人也先是嘗至洛陽倚上東門長嘯王衍識其有異後為寇已而從

徵天  
入兵接

石勒  
殺王

漢羯音結○武鄉在漢州屬別號也○漢主淵卒太子和立其弟聰弒而代之○太傅東海王越遣兵入宿衛仍遣使以羽檄徵天下兵入援越自帥兵討石勒卒于項勒兵敗越軍執太尉王衍等衍自言少無宦情不豫世事勒曰吾行天下多矣未嘗見此輩入尚可存乎或曰彼皆晉之王公終不為吾用勒曰雖然要不可加以鋒刃夜使人排墻殺之搜音院○檄以尺二木板為之有急則排猶推也言推倒也○漢主聰遣呼延晏將兵寇墻堵以壓殺之也

劉曜  
陷洛陽

索綝  
迎入雍

洛陽劉曜王彌石勒皆會遂陷洛陽執帝送平陽尋被弒在位六年改元者一曰永嘉秦王立於長安是為孝愍皇帝

史斷曰懷帝天資清邵過惡不彰而為胡漢所擒俾著青衣侍宴行酒識者謂足以報齊王奪璽之忿焉

孝愍皇帝名業吳王晏之子武帝孫也封秦王洛陽既陷荀藩奉王趨武昌時年十二已而索綝迎入雍州刺史賈疋等奉為皇太子建行臺

石勒 漢 石勒 長兵

盜殺足麴允領雍州懷帝凶問至王乃即位於

長安姓音琰雍去聲正音雅麴音曲○索綝臣

也○石勒遣石虎攻陷鄴而據之虎勒從子也○漢

屢寇長安麴允索綝屢敗之未幾漢兵連陷諸

郡逼長安先陷外城允綝退守小城內外斷絕

城中饑甚帝出降送平陽聰享羣臣命帝著青

衣行酒洗爵又使執蓋後遇害在位四年改元

者一曰建興西晉自武帝至是凡四世五十二

年琅琊王立於建業是為中宗孝元皇帝著音

史斷曰愍帝僅得虛名服廩不給荐被圍辱

輿櫬出降蒲伏虜庭洗爵執蓋識者謂足以

報高貴鄉公墮車之痛焉

胡氏曰司馬炎篡魏以有天下然以創業垂

統之君於風俗之衰恬不介意蓋自竹林七

賢之徒以老莊虛無之教滅魏炎所知也使

其平吳之後正風俗崇儒雅尚可匡救奈何

付託既非其人而王戎王衍輩崇尚清談遺

落世事卒至八王構禍而骨肉相殘二帝遠



狩而冠履倒置是誰之過歟吁老莊之學禍  
人國家如此後世人主可不戒哉

古今歷代標題註釋十九史略通考卷三之下

